

大寶積經

第
一
百
十
八

八
十
四
字

47526



元祿九年丙子二月日重修

皇圖翠閣 帝階銀昌

佛日增輝 慧谷輪常轉

山城州天安寺法金剛院置

大寶積經卷第一百十八

字

西晉三藏竺法護譯

寶髻菩薩會第四十七之二

佛告族姓子何謂菩薩五根淨行不受諸法
而脩道義是為信根願度彼岸不湏仰人為
精進根不捨道意為一切故是為意根執御
大哀欲濟危厄是為定根若能奉受一切諸
法而修寂寞是智慧根又族姓子篤信一切
諸佛之法順從道跡是為信根奉諸佛法未
曾懈倦是精進根念諸佛法聖義存心未曾
忘捨是為意根修習佛定初不懈廢是為定
根能除一切衆生疑結無所念願是為慧根

又慕佛道不懷猶豫是為信根其性調柔順
脩精進無有退還是精進根勸助德本長而
無損是為意根等演光明照於衆生救脫憤
亂是為定根分別一切人之原本而為說法
是為慧根超越一切諸所罣礙而無所著是
為信根解衆生結令無諸縛是精進根志所
奉行而無所著獨步三界卓然有異是為意
根知諸罣礙因緣所由是為定根了諸著猗
智靡不達是為慧根又使所遵而無所惑是
為信根化人不惑捨於非時常懷悅豫是精
進根所從法教常行清澄微妙之法不迷衆
穢不忘道義日日增修是為意根其心清淨

奉行平等而以正受聖慧均平而得度矣是
爲定根若於法界了無所礙去諸非時住解
明法是智慧根滅除一切諸非善本修行衆
德是爲信根遵諸善本順從經典是精進根
積累衆善不違失法是爲意根定意歡悅不
貪樂安分別衆生諸德之本是爲定根奉行
衆善從其方便等修道法是爲慧根又信勤
修捨諸懈怠廢意無所求無所忘失將護定意
令不迷惑奉行智慧開化愚癡又行信者棄
捐邪法行精進者放捨吾我其心專一度於
貪身以能行定裂壞諸網六十二見其慧智
者蠲除一切猗著恩愛是族姓子菩薩所修

五根淨行佛告族姓子何謂菩薩行五力淨
若計於此能立五根奉行不捨降棄四魔不
從聲聞緣覺之乘從於大乘未曾退還消衆
愛欲塵勞之穢其願堅固心得自在志存勇
猛其身康寧強而有勢諸根澹泊不壞篤信
是族姓子名曰信力所不當作而不爲之制
御其性而今均調是精進力所當修者而皆
行之其意勢強是爲意力所造道業未曾忘
失以度一切是爲定力不爲色聲香味細滑
衆念所危超度一切猶豫衆結意之所住是
爲慧力又信力者不從他教而有所受精進
力者所當執持而不忘捨其意力者逮得揔

持不共道意其定力者說法平等不從偏黨
其慧力者決諸狐疑解散衆生結網之縛又
信力者則能具足誠信之勢精進力者解脫
堅強度未度者其意力者具足解慧度知見
力其定力者具足究竟志性之力其慧力者
具足一切衆行之原又信力者能制慳貪垢
穢之難精進力者皆能放捨一切所有其意
力者所顯德本勸助道心其定力者等心遵
行捨諸所求其慧力者諸可修行未曾望報
又信力者釋除一切毀戒之聚精進力者慤
勤修禁未曾違失其意力者具足道心令不
闕漏其定力者輒得歸趣仁和之地其慧力

者於諸所行皆斷生死又信力者離於諍訟
瞋恚之本精進力者正念所行遵修忍辱其
意力者具足道行亦不毀法其定力者先自
制心令不放逸擁護一切衆生之類其慧力
者不計吾我亦無人想又信力者棄捐懈怠
衆穢塵垢精進力者皆得超度一切因緣不
爲惡事之所見迷其意力者修行於道而今
具足其定力者身得休息能諧降魔其慧力
者於諸所作無不作又信力者消化諸垢衆
邪之行精進力者合會衆生而開化之其意
力者常一其志而勸助之其定力者常行靜
寂未曾慣亂其慧力者曉了諸人所行之法

又信力者棄於諸見所識衆垢精進力者常
勤修行求於博聞其意力者嚴淨思念所行
如應其定力者心無所生乃能逮得其慧力
者精學堪任令致成就又信力者常得至誠
七財之貨精進力者曉了分別致七覺意其
意力者心常整齊未曾慣亂其定力者則致
超度七識之任其慧力者過於八邪而無著
也無能破壞心常清淨是爲信力奉行清淨
而不退還無淨不淨無應不應是精進力清
淨其意合集群類道品之法無意無念是爲
意力其心精進修於寂寞乃爲正受是爲定
力若能清淨不爲諸見之所迷惑奉諸德本

是爲慧力是族姓子菩薩所行五力清淨佛
告族姓子何謂菩薩七覺品淨彼以發顯意
覺品者而得自在不共道慧法覺品者觀察
所行則隨應時而無所著精進覺品所勤修
行至無罣礙歡悅覺品者心成無所樂信覺
品者身意休息得至究竟定覺品者離於志

味而得達至觀覺品者所可造業而悉成辦
又求道心亦無所得亦無所失是意覺品若
將護法精進日新是法覺品開化衆生不以
厭倦是精進覺品設樂法樂慇懃思議是悅
覺品若化人民滅除塵勞建立於道是信覺
品若住等意心不壞亂是定覺品若能察行

聖賢之慧建立衆人是觀覺品無憂不念若
如師子過於聲聞緣覺之乘是意覺品一切
諸法皆悉清淨曉了此者是法覺品其行清
淨護身口意而無所犯是精進覺品淨無所
著離於危害是悅覺品嚴修所行所當爲者
而悉成辦是信覺品未曾順從世之同塵乎
等色像是定覺品未曾住於二法之行離於
澌流常見將護救於衆生是觀覺品佛告族
姓子所以名曰覺品者何了了曉諸法靡所
不達分別稱量識知所趣解其威儀禮節所
歸開化衆生彼所住處已身勤修廣行道義
除去結縛諸所拘綴是意覺品斯則爲是賢

聖之行非是愚夫所修說其聖行非魔所行
非是貢高自大所行聖賢行者此則非是外
道異學之所及逮賢聖所行不行色聲香味
細滑之法賢聖行者則無衆想因緣之著賢
聖行者便無選擇處所方面有所忘失賢聖
行者無心意識念言之行賢聖行者離於見
聞念知識法賢聖行者無有泥洹造念思想
於一切法無所行者是賢聖行修於經典一
切無有應與不應念與不念亦無他他是賢
聖行於一切法悉無所住不慕尊處所是賢
聖行於一切法而不錯亂順行正義各令得
所是賢聖行於一切法未曾諍訟和同止住

是賢聖行奉行諸法無諸法想不失道意是
賢聖行此族姓子修七覺品聖賢清淨之行佛
告族姓子何謂菩薩修八道法清淨之行所
謂八道行者一曰正見何謂正見若能奉行
一切諸法於我不我不住空觀所以者何察
身吾我等無差特亦復不住觀身人空所以
者何身人及空亦復等耳亦復不住觀人壽
命與空別也所以者何人壽命空觀心平等
亦復不觀所有生死離於終始空無之義所
以者何所有生死及終始患所見空者悉亦
等耳不住觀空斷滅常見有吾有我所以者
何斷滅常見悉亦等矣亦不計身及所觀空

亦不住此所以者何身吾我空悉亦等耳亦復不住見佛法衆觀空之行所以者何見佛法衆及所觀空患亦等矣是族姓子有彼此見觀至滅度是爲正見見佛法衆其邪見者不離顛倒也若於諸見無所想念上妙中間是謂正見所以者何如彼等觀則亦無耶以

潘氏三娘捨

何爲見其見者當觀平等見凡夫法以爲卑賤所學法者以爲尊高如是觀者則爲邪觀見凡夫法穢行來消菩薩法者無有塵勞如是觀者則爲邪見見凡夫法以爲是漏無所學法以爲無漏如是觀者則爲邪見見凡夫法有求衣食緣覺之法不望供養如是觀者則

為邪見見有小意有所悌望菩薩之意無所
悌望如是觀者則為邪見見凡夫法以為放
逸菩薩之法以為無欲如是觀者則為邪見
見凡夫法悉有為善佛之正法是無為道如
是觀者則為邪見佛告族姓子有能察凡夫
法一切法皆本淨其學法亦本淨觀諸法悉
自然乃為正見也凡夫法所學法亦空了學
法空乃為正見凡夫法者等於因緣曉了如
此緣覺之法因緣亦等乃為正見凡夫法者
則為靜默菩薩之法亦為澹泊乃為正見凡
夫之法無所成就諸佛之法亦無究竟乃為
正見其正見者心不入二不見二者人亦無

二不見見吾我則為正見無若干見不以若干
為異見者為平等觀則不想念一切諸法有
上中下於一切法無所想見乃為正見其正
見者無若干見亦無所見無所見者乃為正
見所可察者無有形色以見諸法無形色者
乃為正見是族姓子觀一切法曉如是者斯
乃名曰班宣法律說是語時五百比丘漏盡
意解佛告寶髻菩薩所謂正念蠲除諸念與
不念俱合集寂然而觀智德至澹泊法曉了
所觀見於諸法所念信者何謂為法何謂非
法解知諸法各各別異不相親近以曉了是
不念平等況于信邪未之有也於一切念無

念不念無所復思無應不應是謂正念佛告
族姓子所謂正言其所說者不自見身不見
他人不著彼我不危己身亦不危他是謂正
言又正言者等解諸法知一切法至於滅盡
知一切法歸賢聖法及與解脫是謂正言奉
行慈心重加愍哀親仇無別正言亦空等演
諸法無相不願悉無所作不生不起諸法言
等一切諸法無常苦空非身之教其正言者
一切諸法無人壽命等說諸法從意緣起如
其所種各得其實菩薩等示衆生宣其經法
令行佛道其正言淨則爲一切十方諸佛之
所擁護是爲正言佛告族姓子所謂正業消

化一切諸所造業未曾復作諸所原基所修
業者滅衆苦惱諸可常業悉令立虛不興邪
業離於塵勞無有穢濁是謂正業若有菩薩
曉了此業及與諸法於諸善本而無所造以
修德行是謂無作則為造行為虛無要空虛
之宅是謂菩薩行上遵道為正業也佛告族
姓子所謂正命不計有我不計有人是謂正
命其正命者亦不積聚一切塵勞菩薩正命
則能淨修衆生志性已淨志性不自計身亦
無壽命等為彼我及與法故行清淨義是謂
正命佛告族姓子所謂正便於此不為非法
之事心不捨德所作方便安無怯弱修於正

行淳淑近之是謂正便其正便者不為邪便
所作方便如其所言不計諸法等異不等無
作不作如諸法住順其所行而設方便計如
此法諸佛之法亦復如是如其寂然因為方
便諸法平等無有差特所行亦等為諸衆生
除其邪便則以勸助於諸通慧是為菩薩所
行正便佛告族姓子所謂正意謂憶佛道念
施持戒忍辱精進一心智慧慈悲喜護是謂正
意念於慤慤不聽一切塵勞之穢不從魔便
其所念者在所向生不墮邪見工御其意制
其所念如監門者知閉開時除去一切諸不
善念所思想不聽邪念是謂正意菩薩已處

於此正意不於此中寂滅道性而取果證是
爲菩薩正意淨行佛告族姓子所謂菩薩正
定隨賢聖行知於苦諦斷集諦種證盡諦種
奉道諦種是爲正定彼若正受等於己身亦
等諸法己身清淨諸法亦淨己身則空諸法
亦空定意正受能如是者則入平等不墮滅

盡是爲菩薩正定淨行發心之頃所行平等
具足智慧一切聖福覺了諸法是爲菩薩
正定淨行佛說是正定覺時千六百天與人
弟子行者好樂小乘已入其法故發無上正真
道意佛告族姓子何謂菩薩護覺意將養
其心令不起生除淫怒癡去於色著痛想行識

在於三處而無所著獨步三界過三脫門至
三達智觀去來今無所罣礙開度衆生除諸
穢垢猶如日明無所不曜善權智慧隨時示
現遊於三世如水蓮華開化一切使發道意
是爲菩薩護覺道意清淨之行佛告寶髻何
謂菩薩成就神通爲清淨行又以五事具備
徹視何謂爲五逮得光明名曰天眼普照十
方消盡窻冥靡不覩耀見一切佛所可開化
多所度脫故曰天眼遙觀衆生終始所趣莊
嚴其志名曰天眼皆見十方一切形色像貌
種類好醜長短其天眼者無所罣礙意念寂
滅其相無爲過諸天龍神及捷沓起聲聞緣

覺見其本末靡所不達。是族姓子如是比類。致五神通。逮此天眼。爲菩薩眼。是爲菩薩天眼之淨。佛告族姓子。復以五事成其徹聽。靡所不聞。何謂爲五聞。於人聲亦復徹聞。非人之聲亦聞。地獄餓鬼畜生辛苦之音。一切十方諸佛說法悉亦聞之。一切十方諸有言語音辭。不同各各別異。億萬種音皆能聽了。是爲五事。菩薩神通徹聽清淨。佛告族姓子。復以五事。知人心念。何謂爲五悉能逮知。諸天人民地獄餓鬼畜生之類。本末所因。心念善惡。方當來世。若見受身。知去來今。心所趣。決定來處。歸於邪業。衆生心念善惡所行。皆了。

知之察其心意或懷貪媮瞋恚愚癡隨其本
行如應說法是爲菩薩知諸心念清淨之行
佛告族姓子何謂菩薩知過去神通清淨謂
以五事了知古世其有受於媮怒癡者悉自
然受不熟思惟致此事耳復解己身無央數
世便更專惟布施持戒忍辱精進一心智慧
慈悲喜護緣其定意而逮得此亦從已致其
受吾我念心因緣諸相之觀其相因緣亦從
已爲而自然受思惟其心自觀其志其入癡
門亦自然受人念識此已隨其色像眷屬勢力
名稱豪貴貧賤苦樂亦已身為皆自然行而受
此患是菩薩知往心念清淨神通佛告族姓

子何謂菩薩具備神足則以五事而逮神足
何謂爲五亦現色身神通自在神識音響神
足悉達心意所行神足普周一切衆生心所
娛樂神足皆別親近所見神足咸至坐見十
方無數國土周遍一切諸佛境界隨其習俗
現其形體身遍一切十方衆生爲其說法令
得開解發大道意是族姓子菩薩所行神足
清淨佛告族姓子菩薩慧眼具天眼淨其天
眼者任於神識亦無所著則致天耳本末清
淨住無罣礙尋即知衆生心念靡不通達悉
知過去當來處所悉能證明住無所行皆盡
諸漏生死之行便淨神足諸通明徹所謂神

通則諸漏盡聖慧之門菩薩於彼以此五通而自娛樂其心不住盡諸漏慧佛告族姓子譬如去於居邑百千俞旬玄迥之路有大國城其路艱險衆難難計岨邃曲隘殺賊抄掠師子虎狼還相食噉若出此路能到彼國入大城者悉脫衆患安隱無量時有一人間彼國

城恩德功勳快樂遠著其人生年唯有一子甚愛重念視之無厭聞彼國名捨子而往盡力勤行忍諸艱苦衆難之患晝夜不懈得值陰涼六藝備體執持五兵便得越度到其城門住門闥上稍復進前至第二門開其城門而獨住立即便憶念所生一子獨不得來以

子恩情不入大城尋更還反將其子來共至
樂國佛告族姓子菩薩如是被無極鎧以大
精進堅固志性精誠所致顯發大道淨治心
業淳淑之行諸漏得盡興大哀心開化衆生
爲其說法慧斷生死得至無漏究竟成就哀
愍衆生欲救護故則復來還現凡天地佛告
族姓子其城者喻聖慧巍巍諸漏已盡涉難
遠行百千俞旬玄迥路者謂遊無量生死諸
難救脫衆生不以爲拘盜賊虎狼者謂衆魔
邪見非法之難相食噉者謂三界中陰衰之
患值陰涼者謂平等行六藝五兵謂六度無
極五神通也其人者菩薩也到其城住門闥

子恩情不入大城尋更還反將其子來共至
樂國佛告族姓子菩薩如是被無極鎡以大
精進堅固志性精誠所致顯發大道淨治心
業淳淑之行諸漏得盡興大哀心開化衆生
爲其說法慧斷生死得至無漏究竟成就哀
愍衆生欲救護故則復來還現凡天地佛告
族姓子其城者喻聖慧巍巍諸漏已盡涉難
遠行百千俞旬玄迥路者謂遊無量生死諸
難救脫衆生不以爲拘盜賊虎狼者謂衆魔
邪見非法之難相食噉者謂三界中陰衰之
患值陰涼者謂平等行六藝五兵謂六度無
極五神通也其人者菩薩也到其城住門閫

上從外門稍復進至中門住不前者謂菩薩而從有爲至於無爲諸漏以盡其心明徹不捨本願欲度十方如念一子也不入城還反者菩薩愍傷一切衆生忠心念之如一子父滅除生死諸漏之難超住法頂雖出生死不盡諸漏尋復來還在於五趣開化衆生是爲菩薩善權方便大哀之行爾時寶髻菩薩前白佛言至未曾有天中天菩薩大志懷大哀不樂解脫欲度衆生如觀已掌反還生死而不惡獸復問佛言菩薩遵修何法不獸生死佛告族姓子菩薩有二十事不獸生死何謂二十事奉行德本至無極慈執持大慈以攝大

危懷抱大哀攝不弘愍開化衆生度脫一切
常以精進攝諸怯劣以和調性攝諸懷結以
權方便攝不知節則以智慧攝諸愚冥而以
一心攝諸放逸能以神通攝諸不暢能以聖
明攝諸闇塞能以隨時攝諸無義其意專惟
攝諸煩憤遵奉道心攝諸不學而行四恩攝
諸無護以布施攝貧窮以敬戒攝無禮以博
聞攝少智以揔持攝喜忘以辯才攝頑訥以
上德攝少福由是之故乃成大慧是族姓子
菩薩所行二十事不厭生死也寶髻菩薩復
問佛言何謂菩薩宜於生死爲無數人而有
加蓋佛告族姓子若使菩薩以德莊嚴宜於

生死以福潤澤窮乏危厄博聞莊嚴宜於生
死則以辯才多所饒益能執其意而不忽忘
逮德揔持宜於生死令一切人各各聞慧逮
得寶掌以好布施而自莊嚴財不耗減用此
財寶多所饒益又不放逸宜於生死講法不
倦多所饒益於一切人又等集諸相宜於生
死修慧莊嚴於諸衆生言行相應宜於生死
所爲應時不失其節多所饒益於諸衆生一
切所有施而不怯宜於生死隨時開化各得
其所施度無極多所饒益於諸衆生奉清淨
戒宜於生死莊嚴持戒多所饒益於諸衆生
忍辱精進一心智慧宜於生死六度無極多

所饒益於諸衆生佛告族姓子乃去往古無
央數劫長遠無量尔時有佛名普壞世如來
至真等正覺明行成爲善逝世間解無上士
道法御天人師号佛世尊世界名曰天觀劫
名欣預何故其劫名曰欣預於彼劫中六万
佛興時淨居天聞無數音班宣佛德於是劫
中有六萬佛時天世人皆共歌頌此咨嗟聲
其有聞之靡不歡喜善心生焉以是之故劫
名欣預佛告族姓子其佛世界安隱快樂其
德巍巍諸天人民觀之無厭以故世界名曰
天觀其土微妙至誠莊嚴以雜種香而成其
地堪任執本於千世界又其佛土所出香熏

則能周遍十方無量無數之國旃檀烟陰於
其土地自然生起無極蓮花名光明曜其蓮
花光常以大暉照彼世界人民大小皆有神
足宿德所居香為樓觀講堂精舍軒戶牕牖
牀榻茵蓐微妙統縵其佛之士亦無國邑郡
縣村落又彼人民悉得神通經行虛空樓閣
講堂亦處于空坐斯樓堂專精念道諷誦講
論彼無女人亦無胞胎人皆化生不聞女名
亦無三塗惡趣之名又無衆惱勤苦之患一
切衆人禪定歡悅以爲飲食篤信微妙志求
大乘彼無異乘聲聞緣覺之名也其土人民
皆著冠幘衣服顏色猶如天人假使出學塵

勞受欲尋皆捨離無有憂累又彼如來亦不
勅告諸菩薩等使被法服所以者何其人
不生穢濁心而彼如來形體威顏現如梵天諸
菩薩衆威儀禮節靡不備悉坐起安詳講說
經道設使十方諸佛之土有無極變神通菩
薩詣大觀世界者通過諸國來覲如來誓首
歸命聽說經典見彼佛土無有倫匹其德超
殊巍巍無量怪未曾有舉聲嗟歎尔乃捨去
佛告族姓子若彼如來爲諸菩薩班宣道化
踊昇虛空去地六十六丈坐於微妙清淨莊
嚴師子之座爲諸菩薩論上法教粗舉其要
不廣分別屢練中義如吾於此多說慇懃所

以者何斯諸正士悉入聖慧以一章句輒能
解入百千之義是故如來約宣經教不以多
言其佛為說四清淨行度無極淨道品法淨
神通行淨化衆生淨是為四也佛告寶髻時
彼佛土有一菩薩名曰珍寶即自啓問壞世
如來何謂菩薩宜在生死多所饒益於諸衆
生於時如來便為菩薩廣分別說此兩句義
於斯大慧道莫能當菩薩所行恒在生死逮
得慧曜多所潤益佛適說是六万菩薩得柔
順忍佛告寶髻珍寶菩薩復問何謂菩薩嚴
淨道場坐於佛樹壞世如來告珍寶曰以無
放逸嚴淨道場坐於佛樹於彼何謂無放逸

者其佛告曰奉行經典又問何謂奉行經典
告曰言行相應是無放逸又無放逸不自馳
騁修於無量大德之鎧不與陰合越於五陰
布施無量不可盡故持戒無量爲未學故忍
辱無量堪衆苦故精進無量正士業故禪定
無量無退落故智慧無量慧無量故慈心無
量開化衆生不可限故悲哀無量愍傷衆生
濟匱乏故行喜無量以法勸悅衆生之故行
護無量救濟將養群生之故生死無量長育
一切佛道法故化無量人安彼我故正法無
量將順隨時堅精進故德慧無量執權方便
等應時故奉無量佛具足慧故求無量聞智

卓然故心入無量觀見衆生志性行故節德
無量志存閑靜有限之故閑居無量將順心
故寂嘿無量所察廣普速疾具諸通慧故佛
告珍寶是無放逸所當遵法菩薩行此無放
逸者嚴淨道場坐於佛樹則其義也又族姓
子其無放逸諸道品法所立之本致無放逸
聖慧之原逮堅要法以無放逸積累德本莊
不放逸未曾忘失往古久遠所聽聞法普能
執懷一切經典消化塵勞無量陰蓋於諸道
義無所罣礙無放逸者則能燒盡曠野積聚
愚癡之冥悉能將護一切經法滅除衆相抑
制諸根無放逸者退捨邪徑奉行衆善力勢

超殊具足十力力如虛空而無等雙無放逸者得無所畏具足成就一切佛法歸其原頂無放逸者便能獲致佛諸通慧佛告族姓子彼佛說此無放逸時萬二千菩薩逮得無所從生法忍於族姓子所憶云何時珍寶菩薩豈異人乎莫作是觀所以者何則汝身是由斯緣故當作此觀若使菩薩無放逸者乃爲應宜嚴淨道場坐佛樹下入如來道不可限量佛復告寶髻菩薩所謂菩薩開化衆生若菩薩行清淨者見衆生行心懷善惡便能開化無量難限不可思議衆生之類各使奉行無極之法其菩薩者志性調柔入於審詳自

在開化幾何人民彼族姓子人根不同所見
各異是故菩薩隨時示現而誘進之或能有
人堅正禁戒乃成開化或從毀戒因得受教
或以衣物往來交接緣受道化或以柔軟或
以魚獮或懷毒心或以恐怖或以苦惱或以
安隱而受開化或在言語或從得勝或從因
生或從志性或從逼惱或從順意或從所有
或從無所有或從興盛或從所受或無所受
或從財業治生或從靜然無所易取或從貪
慕求妙顏容或從惡色或從色聲香味細滑
之法而致開化或瞋罵臭氣惡味廉堅穢法
而得開解或從共居宿止受化或從往來數

數相見或從聞佛法聖衆或從歡喜或從憂
感或從無我或從寂音或從布施持戒忍辱
精進一心智慧之音而受開化或從衆生有
爲之惱或從聽聞天上世間所遭安隱而受
開化或聽聲聞所說乘教或緣覺乘或聞大
乘而受開化或從常喜不以憂惱或從憂感
不因欣預或從貨利或從踊躍不見愛敬或
從得利或因衰耗或復有人而從四恩因而
開化或從內業或從外業或從眼耳鼻口身
體手足而受開化或以娛樂歌戲或以花香
而受開化或從其身專遭苦患或從常樂而
受開化或從其心得靜方便或從化作比丘

形像或復變現比丘尼優婆塞優婆夷像而
受開化或復現作佛像容貌而開化之或如
釋梵轉輪聖王像貌而開化之佛告族姓子
若使不現若干種變觀其性行行其心念而
開化者不能度之當曉了知衆生性行應病
與藥所度乃廣設令菩薩行度無極則能奉
受佛道品法亦能明神通之慧然後寂然開
化衆生菩薩有四事法開化衆生何謂為四
一曰不厭終始之患導示未及二曰不貪安
已願安一切三曰常以時宜宣示道教四曰
分別衆類心性所行是為四復有四一日所
說柔和言辭可敬二曰奉戒清淨猶如日明

三曰顏色常悅未曾懷恨四曰常懷慈心復
有四一曰心不懷害二曰志於大哀三曰意
多愍傷四曰常調其心復有四一曰性行清
淨二曰無有諛諂三曰精進堅強四曰忍於
苦樂善惡是為菩薩四法開化衆生當作此
觀乃能堪任救濟一切佛告族姓子往昔過
去無央數劫長遠無量不可思議爾時有佛
名離垢光如來至真等正覺明行成為善逝
世間解無上士道法御天人師号佛世尊世
界曰寂然劫名愛敬寂然世界豐樂安隱五
穀平賤使樂難量天人孳盛離垢光佛其聲
聞衆九十六億菩薩八万四千其佛壽三十三

万六千歲時有梵志爲大國王王有太子名
曰業首端正姝好見者無厭厥年十六惑於
顏貌迷於豪貴荒亂自大不肯往詣離垢光
佛不修恭敬稽首爲禮佛心念言太子業首
云何忽失無上正直道意勸助德本不識本
宿而計吾我荒迷容色財業豪貴及懷自大
不數詣佛既來至此不肯歸命違失禮節設
爲慙懃宣其本行者必識宿命數詣如來稽
首受教於時離垢光如來皆悉請會八万四
千菩薩使行法籌誰能堪任詣太子業首所
八万四千歲教化說法者而不患厭一切苦
惱所見逼迫雖往教彼不見接待坐席言談

但得罵詈毀辱誹謗耳佛告族姓子時雖行
此籌壽八万四千諸菩薩中無一菩薩肯受法
籌時彼會中有一菩薩名極妙精進即從坐
起偏露右肩長跪叉手前白佛言我能堪任
八万四千歲往來太子業首數數相見捨一
切安皆忍衆苦雖遭諸厄不以爲患極妙精
進適發此言三千大千世界應時六反震動
百千天人住於虛空舉聲歎曰善哉善哉無
極精進被弘誓鎧於時極妙精進菩薩往詣
業首太子門前而住太子方見罵詈毀辱瞋
恚誹謗言語衝口無有其限撮土坩之瓦石
打之刀杖加之於時菩薩被辱如是不懷瞋

悲不以爲恨亦不悔還遂堅其心被精進鎧
智力益增興發大哀而愍傷之如是千歲乃
得自前入第一門從所苦困輕毀之難不以
患厭至千万歲轉復進至王宮第一之庭又
二萬歲至第二庭如是之比八萬四千歲至
第七庭七日七夜太子業首時復見之尋便
質問比丘何來詣此所求菩薩荅曰故來相
詣相稱名勲於時太子心自念言惟未曾有
今此比丘戒德難量無能逮者被諸毀辱未
曾懈恥極妙精進勸悅業首尋說頌曰
太子吾今無所求 不用飲食及衣服
宜當顯發無怖心 吾以法來故至此

人中尊号離垢光

大聖現世多所益

講說經法除苦患

若有人聞逮甘露

諸佛興出甚難值

無數千劫難可遇

執御衆人今受法

則爲世間之炬曜

反以欲得而放逸

貪於財色自娛樂

迷荒宴會貴及王位

不肯往詣見法王

財業無常命難保

佛說人壽如朝露

太子自察亦常然

云何聞佛復放逸

仁者以曾志佛道

召請衆生欲度脫

於今何因爲欲使

放逸安可度衆生

吾且欲還詣最勝

當降伏心滅塵欲

仁興精進愍一切

將無後恨懷憂惱

時國王子聞斯頌
禮極精進誓首足
我當棄捐一切士
吾當往至安住所
即與一億八萬人
俱往詣於最勝所
已皆悉到安住所
退在一面住佛邊
極妙精進是我師
此之恩德無以加
歸悔首過救護世
我今都悉自歸誠

即自下意發恭敬
吾今自悔辱仁罪
不慕慕貴貪國土
棄捐瑕穢求見益
各執衆花擎諸香
見離垢光人中上
前誓首足而供養
於時太子說此言
心不患厭和顏勸
如是供養不足報
違失法王之教命
願佛納受所首情

於是發意悉求佛

不復造邪為放逸

尔時太子棄榮位

於最勝所作沙門

時佛知其所志願

諸聞淨法逮柔順

佛告寶髻菩薩欲知尔時極妙精進我身是

太子業首彌勒是族姓子過去菩薩開化衆

生不以懈倦威德巍巍無量如此所學日深

精進無侶是故菩薩欲度衆生當念修學如

彼往世極妙精進菩薩之德佛告族姓子菩

薩有四業而得自在以此四業攝取諸佛道

用一切故興愍傷

今我立德成佛道

與人一億八万四

發意志故求佛道

為說最上佛道業

諸高士住無我法

法何謂為四一曰超越諸魔靡不歸伏二曰
念淨佛土今修淨教三曰嚴身口意順開土
本四曰合集一切諸佛道品是為四法自在
之業復有四事為菩薩業何謂為四一曰其
慧曉了所入志性二曰普見衆生根原所歸
三曰分別一切諸趣所由應病與藥四曰明
識一切徑路所行今得寂寞不懷嗔恚是為
四事菩薩所行自在道業於是寶髻菩薩從
無數劫殖於難限百千德本髻中明月珠其
價當此三千佛土以奉如來口宣此言以頂

由下行起照由者照起

覩其頂相

者逮成諸佛不可思議聖慧之頂佛即時笑

法何謂為四一曰超越諸魔靡不歸伏二曰
念淨佛土令修淨教三曰嚴身口意順開土
本四曰合集一切諸佛道品是為四法自在
之業復有四事為菩薩業何謂為四一曰其
慧曉了所入志性二曰普見衆生根原所歸
三曰分別一切諸趣所由應病與藥四曰明
識一切徑路所行今得寂寞不懷嗔恚是為
四事菩薩所行自在道業於是寶髻菩薩從
無數劫殖於難限百千德本髻中明月珠其
價當此三千佛土以奉如來口宣此言以頂
上寶貢獻如來因是德本致無能覩其頂相
者逮成諸佛不可思議聖慧之頂佛即時笑

五色光明從其口出照無央數諸佛國土尋
即來還遶佛三帀忽沒頂上於是會中有菩
薩名曰捷辯從坐而起偏露右肩長跪叉手
讚歎世尊以頌問曰

最尊無等倫 超世俗之上 無垢以離穢

三界稱其德 其慈無疇匹 超越須彌山

今者何欣笑 願慧為我說 真諦戒調定

執性人敬言 令我志趣安 善修快寂然

天人尊在此 其志甚堅妙 為以何感應

哀愍而今笑 十方摠勢強 光明福曜威

勇師子壞真 遊眾無所畏 三界無有侶

何能有殊者 法宅為解說 何故而欣笑

離垢性遊安

顏色常和悅

名德通虛空

馳逸不可限

消除諸窳冥

光明靡不照

安任唯為解

何故而欣笑

修德心清淨

願如金寶山

常訓誨不及

世人普供養

則為最良田

眾祐聖超出

釋師子現要

所演如虛空

諸天及人民

無與妙等者

等心甚堅強

慙愧祥豐盛

巍巍德百千

相如花茂盛

最勝能仁笑

願為發遣之

其慧無量礙

流布於三世

處若干身意

其心無所著

一時悉曉了

如應當行化

仁師子屬笑

其義為何義

諸天住空中

意內懷悅豫

地上諸人民

义手而自歸

能仁勝唯說 殊特甘露味 諸天神人聞

消滅塵勞真

佛告捷辯菩薩汝爲豈見寶髻不乎以此寶
璿珠奉上如來志願無上正真道意則爲供
養佛之原慧對曰唯然已見世尊佛言是族
姓子寶髻菩薩於恒河沙劫供養恒沙如來

至真常修梵行開化無數衆生之類立於三
乘過十阿僧祇劫當得作佛号曰寶成如來
至真等正覺明行成爲善逝世間解無上士
道法御天人師号佛世尊世界名離垢光劫
曰無垢其離垢世界七寶合成咸出光明照
於十方無量佛土其光紫金假使衆生值此

光者一切塵勞悉蒙消滅其土豐樂皆諸菩
薩悉無所著無有異學相發起者普修道寶
以故如來名曰寶成此諸菩薩皆得神通咸
有辯才其土諸天人民悉當淳淑遵平等覺
無有不及無智之名其土亦無君主唯以世
尊為無上法王諸天人民自然化生無有女
人無愛欲名其土人民皆殖德本無無福者
諸根悉具皆以相好莊嚴其身尔時如來諸
菩薩眾不可稱數佛壽十四劫初無異談所
說唯宣菩薩之慧諸度無極辯才大哀淳一
品教是諸菩薩皆曾被訓諸根明達能以一
句普入一切諸佛之道如來為說揔持言教

慈心如地何謂揔持言教以一絕句普入諸
章何謂一句謂妙聖句不可究盡道品之法
何謂無盡句謂於佛道不可窮盡何謂無盡
論於無者謂無盡句已能入無普入文字是
為一句一切文字而不可盡復有二字本所
未聞亦未行也而宣說言出於一字其一字
者不與二字而同勢也是以一字而宣訓誨
設使宣布斯訓誨者無念不念無應不應此
句無念亦無不念以無念句而成開化是為
族姓子為入揔持教寶成如來為諸菩薩說
揔持言句於彼學入此一句者便得普入

慈心如地何謂揔持言教以一絕句普入諸
章何謂一句謂妙聖句不可究盡道品之法
何謂無盡句謂於佛道不可窮盡何謂無盡
論於無者謂無盡句已能入無普入文字是
為一句一切文字而不可盡復有二字本所
未聞亦未行也而宣說言出於一字其一字
者不與二字而同勢也是以一字而宣訓誨
設使宣布斯訓誨者無念不念無應不應此
句無念亦無不念以無念句而成開化是為
族姓子為入揔持教寶成如來為諸菩薩說
揔持言句於彼學入此一句者便得普入
功佛意我於一劫若復過劫分別咨嗟離垢

光世界功德之稱不能究盡得其邊際寶成
如來講說經道德稱之慧不可思議亦不可
賜其佛大德國土清淨巍巍超絕上不可及
寶髻菩薩聞佛授決歡喜踊躍以誦讚佛

普知悉能見
一切諸瑕穢

度諸法無極
大慧未曾有

如來皆超越
皆知我往古

供養諸佛數

佛悉具說之

去來今現在

本末為如是

復知鄙末世

及與一切人

為佛所授決

不復懷狐疑

開化度世間

諸根之本末

於是一切地

日月尚可墮

佛口所可宣

終不有改變

佛出至誠言

所演無有虛

授以遵覺道

成佛人中上

如我志所願

嚴淨於佛土

所言亦如是

悉知我心念

彼聞此教已

悅顏無猶豫

所修行為尊

欲度衆生故

如我之所行

當復增無量

嚴治其本際

我身奉淨行

興發行得佛

度諸法無極

勤力無怯弱

由從精進至

堪任所布施

皆知我往古

未曾捨精進

至大哀如來

為以諸衆生

本末為如是

吾當悉開化

得佛度異學

寶髻菩薩說

此偈時七万二千人皆發無上

正真道意悉願生彼離垢光世界同時發聲

俱說是言寶成如來得佛時普令吾等生彼

佛土佛皆記說當生其國尔時世尊告賢者阿

難受是經典持諷誦說廣為衆人宣傳其旨
懇勤助是經典要天上世間之所歸伏而共
供養所以者何其聞此經我悉授決其不信
者本宿德薄其受是經德本非凡趣聞此經
世世值佛何況聞持而奉行說功勳無限族
姓子族姓女若以七寶滿此三千大千世界

隨時布施如是比類於百千歲其聞此經歡
喜信持功德踰彼阿難白佛此經名何云何
奉持佛言名曰菩薩淨行寶髻所問當奉持
之佛說如是寶髻及十方諸會菩薩賢者阿
難天龍鬼神捷沓和阿須倫世人聞佛所說
莫不歡喜

大寶積經卷第一百二十八

字

澗

亦正苗反作漂綴

綴

反知衛

仇

音求也

窈

作暎反

娛

音愚

迥

携

若且

邃

上音遂

反阻下

隘

於賣

殺

反苦候

抄

掠

上楚

戮

反下

梱

正苦本

作間

總

上音窓

字

牀

榻

上音床

字塔

茵

上音因

纒

反

纒

下音延

憤

音賁

匹

字

驕

領

反

柳

反意力

誘

音

孽

音

籌

反直

流

衝

反尺

鍾

撮

反七

分

下蒲

正悶

反

捷

反才

業

疇

反直

流

衝

反尺

鍾

撮

反七

平
61
至

内
缺
平
63
乃
9
至
元
補

字8, 中朱數 19-20 恩溪
 乃4, ,, 25-26 永樂
 乃9, ,, 1-2 永樂
 服2, ,, 6-18
 服2, ,, 1-17 恩溪
 服5, ,, 1-14 恩溪
 共=50, 恩溪33, 永樂17

猪飼順良寄附

